

五硯齋詩鈔卷十

仁和 沈赤然

青鞋集

元旦 壬子

曉日曛曛尚閉關，貧厨蔬筍也多般。
半生仍此持杯手，一笑其如照鏡顏。
謝客敢言同志少，歸田方覺老身閑。
宵來墨瀋猶濃甚，醉草宜春滿壁間。

臘杪始雪獨酌無一過者

臘杪天始雪，庭柯森瑤林。非唯老農喜，大慰寒士心。
仄聞前年冬，積雪高逾尋。玉山起闌闌，冷氣侵衣衿。
貧兒半僵仆，飢鳥多悲音。入春消爲水，街泥沒靴深。
麥爛秀不實，蠶

死桑留陰邇來相告語尚覺毛髮森帝廼怒滕六約勒直
到今霏霏天葩散漠漠同雲霽祥瑞豈在多卽此勝黃金
皓質映虛幌薄酒成孤斟誰歎叩關至竝坐發清吟

送冬

人皆畏冬寒我謂冬亦好萬物反其質羣生離熱惱朝陽
勝爐火杯酒卽絮襖貧富雖境殊暄燠只意造緣壁絕衆
蟲侵堦無蔓草風吹天葩來乾坤白浩浩如謝少壯羣杖
履侍耆老如辭市肆喧山林守枯槁結契在無言難爲儕
偶道一旦功成退捲簾避太皞春風且莫來殘雪且莫掃
聽誦送冬詩此論誰絕倒

病中坐雪

春雪連冬雪朝寒復暮寒從教檐溜凍不放酒杯乾暗室
明生夜重裘病減餐懸知花信杳臥向畫圖看

元夕雨甚獨酌

雨聲蕭蕭晚益急暗風斜吹紙窗濕閉門百事不挂眼爆
竹無聲筦絃澀稚兒也解看燈好繞膝牽衣嬌欲泣豈知
阿爺初歸田倉悴未辦裘與笠聊將果餌乾啼痕橙橘去
皮蔗啖汁嗟余隨牒去鄉久新年樂事無一及只今兀坐
身頗便肯令街泥污袴褶銀花火樹太多事天遣屏翳盡
收拾傳柑讌集更何人連臂踏歌非所習不如剪燭調兒
童獨把深杯十分吸

積雨初晴同潘亞江顧春波高竹澗緩步湖澹至竹

素園觀遊人廐沓

遊龍流水衆聲譁竹素園前亂似麻村婦有錢看癩鶴園

癩鶴一隻婦女來觀者園丁輒索錢一枚俗兒無眼對名花時牡丹癡雲動作

經旬雨斜日何妨一瓊茶羨煞隔橋雙白鷺總忘喧寂臥

晴沙

偶得山榴二本種之窗前戲成二絕

歸來又負種花天老圃荒蕪甚去年只有杜鵑知寂寞不
嫌人妬到庭前

人間那得鶴林紅卽此窗前便不同芍藥荼蘼應笑我山
花只合伴山翁

諭梁燕二首

居止吾方定周遮爾亦來乾坤同是客人鳥復何猜絮語
從驚夢操泥莫浣苔漫愁妨哺子簾幙爲長開
舊是誰家客今來此處棲絕交辭故壘胥宇啄新泥試哺
諸雛長休嫌老屋低畫梁應不少欲去任東西

書李笠翁一家言後二首

詞曲當年數笠翁兩朝冠帶揖羣公囊金不惜教諧妓家
具都思奪化工驅遣朔髡來腕底挾持猿鶴走寰中布衣
遭際如君少何事揮毫輒告窮

爭傳紙貴寫三都顧曲周郎老道塗逆旅門前喧勝市故
人天上欵成珠謂糞合肥諸人潛逋一笑空高隱蠻素同時嫁腐
儒白下園亭看未足又移歌舞入西湖笠翁芥子園甲於白下暮年復移家

湖西

後四月二十三日同家榆霄燾雪樵鑣過吳蔚田寶

翰齋小酌至夕始散次壁間汪君寶輪韻二首

虛堂寂寂鳥窺廊
蒜友瓜朋佐急觴
眼底須眉偏我老
尊前談笑竟誰狂
求名已悟蠅鑽紙
懷土渾如馬戀羌
莫怯酖醕推故起
晚風吹酒正清涼

銀燭光搖射短廊
不畱涓滴手中觴
忘形莫辨誰為主
善

謔原非醒亦狂
君自幽居同蔣逕
我慙先德住吳羌
家織

生隱居餘明宵重過能容否
只要窗前一味涼
主人有倦

端午醉歌

隨人做節何所有
甕底猶餘數升酒
剪菰包粽教女兒搗

蒜爲齋煩老婦十年今始飽饑吻果有枇杷魚石首宦遊後不
嘗二物已十一年矣一杯一杯復一杯起舞傲傲坐擊缶嬌兒忽作
神鬼相滿額雄黃笑哆口菖蒲作劔艾爲虎問爺曾有此
樂否我聞兒言發長吁昔日孩提今老叟對酒不飲更何
爲那見劉伶印懸肘

苦疾

腹痛驟欲裂據牀作牛吼泚瀝漬重裊攪喉嘔一斗濕熱
鬱爲疸黃金鑄身手垂老不解痔蟲忽館吾後受此諸痛
苦煩紆更誰咎往昔迫吏道壯健等驚獸徒以足不良浩
然解印綬痿人不忘起一年仍善走方謂有天幸家居活
八口秋末羹晚菘春初菹早韭厚味生五兵此語熟童叟

不意藜藿腸翻爲疾疾藪將無五臟神餒甚作戎首平生
號強項似覩素所忸况有千金方與汝急攻措何不兩脩
好交歡一尊酒臧神夜見夢唯唯復否否君自違天和日
與邪沴狂乘間遂竊發真氣遁不守狡憤遍肺腕蔓延及
腋肘我方失寧居誰能助羣醜君處脂膏地不敵徐勉狗
豈今一措大轉欲噉肥牡從此兩無猜淡泊到眉壽

爲家榆霄題觀水圖

我行萬里半天下略遍長江大河水歸來敢說眼界寬尺
澤蹄涔轉可喜別君未幾已壯年長身玉立何卓然懷才
負氣苦束縛潢潦固非鯤鯨便徐生爲展寫生手滿紙波
濤作獅吼蒼茫獨立豈驚若直欲胸中吞八九我有一言

君莫嗟乘風破浪須待時不見坐守白頭浪旅人嘆息篙
工噫君家宅廣田亦肥北堂可戀三春暉門前小河綠映
扉作詩飲酒計豈非我已倦遊頰尾歸

七夕

媒媠嚙羅隱荒唐怪武丁徒能誑兒女不畏惱仙靈鵲首
髡誰見天邊語孰聆由來受誣峻豈獨是雙星
晒腹吾枵腹穿鍼婦眼昏何如買瓜果相與弄兒孫涼月
挂檐白陰蟲在埜喧莫談天上事扶醉早關門

壽陳蘭臯卓五十

知君鍵戶方辭客不敢牽羊擔酒前紙閣妻兒爲壽日草
堂圖史乍涼天旌幢已薄仁恭貴松菊應希栗里賢自古

彭殤都一例家居無病卽神仙

寄傲軒露坐獨酌

秋後暑猶在晚來門未扃蟲聲鬧孤影詩興敗空瓶此老
豈妖魅何人同醉醒舉頭雙眼豁落落數天星

久靜

久靜嫌兒女安貧儉簋殮牆高蜂蝶少地僻鳥鳥喧腕力
老猶健顛毛黑僅存回思卅年事擾擾負衡門

舍北散步效選體

逍遙縱遊目紛披稠桑陰餘瓜臥壟畔秋花冒水潯人家
隔林莽笑語不可尋涼風偶焉至蝸蟾時一吟纍纍道傍
塚宰木森成林長暮幾時旦此悲匪自今嗟余牽世網頗

懷烟霞心願從赤松子辟粒遊崑岑赤松不得遇白髮日
已侵努力畢婚嫁遐舉希向禽廢然緩歸步呼酒聊孤斟
吳穀人以庚戌八月乞假旋里余亦於是月引疾滯
淫保陽至辛亥八月始獲理棹還浙時穀人已主講
真州余又僑居新市欲一晤不可得頃辱過訪談飲
竟日復訂西溪之約慨然有作

同是悠悠物外蹤不如京國得常逢臯比坐擁人千里籬
落行吟酒一鍾怪底客來無鵲噪莫愁城遠有魚供尊前
重訂西溪約久負青鞋與瘦筇

五岳遨遊願已虛買山須得傍西湖卅年大夢誰先覺一
局殘棋我竟輸休戀揚州思跨鶴好來笠澤飽滄鱸請君

試展新詩看曾有風塵一字無

過吳蔚田探桂四絕句同家雪樵作

涼秋天界高詣人聊小憩相見不暇言著眼先到桂
北遊十二年思汝輒如醉未須梢頭黃香意已刺鼻
花開有早晚秋氣無厚薄莫放枝出牆兒童將汝虐
寒馥蒸未開獨秀誰伴汝載酒幾時來問桂桂無語

僕去行

僕去不掉頭出門浩浩卽九州爾諸勿言吾自九長稽安
能飼騏驎速去速去毋淹畱弦縱管兮水疾流願今努力
莫暗投不見衛青在漢曾封侯

僕去誰食闔方言食闔也由來水清魚不噉縱所如兮脫囚

籍貸錢乞汝少莫嫌速去毋令酒債添一身奴僕吾能兼
假令不堪風雪嚴不見吾家暖日方挂檐

聞畿南苦旱有懷廣宗潘松心明府二首

聞道畿南苦旱乾竹花蘆菰可充盤拯災自古無良策入
告於今卽好官衙鼓只應催髮白酒杯休令益心酸請看
摩畫勞

宸慮雨露新來似海寬

詔截糴米五十萬石賑濟畿輔

嗟君命惡似東坡所向災凶喚奈何東坡詩貧人命分識惡所向招災凶
路可曾知馬老攻醫終見活人多別來有夢杭河水病後
畱心記藥科莫訝鄙夫甘廢棄凍蠅何用更授挈

懷湯古樹

看花湖上已愆期

余去年別古樹詩有相期約畧迢遞憑桃花侯畫船紅橋鯨正肥之句

誰寄遠思十口固知歸不易一官何事棄如遺參天玉樹

聊娛老

令嗣孝廉能文章有幹局

鍵戶閒身好著詩山左故人應有信

幾時分俸助歸資

江抱村清令武城古樹至契友也余去年道經其地曾寓書屬其為古樹歸計

云故

寄方秋穀冀州幕府

君如王粲登樓日我是文園臥病時鴻鴈聲多音信斷不

得秋穀書

湖山緣淺杖瓢離

僑居新市去杭僅百里耳貧病老中竟不獲時時往來深以為憾

憑夢境尋前事貧藉詩篇傲富兒莫更代為商出處寒人

無復上天思

對酒

佳酒不易得孤斟良似慳問誰能寄餉藉此養瘵瘵萬慮
銷杯底諸魔懾座間却憐壺窳矮陸放翁詩醉拊酒壺橫窳矮未肯染
衰顏

秋海棠

似此妖嬈面相逢轉在秋向人如欲泣到暮不勝愁已分
牆根老空勞蝶眼偷年年無限恨問爾幾時休

拜惠菴公小影恭題應雪樵弟屬

公之神遊太虛公之德稱里閭廩有粟架有書燕翼子誰
能如此斗室昔所居杖履在日月除拜公影涕沾裾闕然
口若詔余卒無語增欷歔

庭前木樨初開相對喜甚因憶武林舊居欵桂

平生愛爾真成癖別久纔逢意更殷未用枝頭皆密比已

教鼻觀早氤氳寂寥老境偏居此粧點秋容只數君空憶

往時欵桂好草堂猶在孰論文余昔居杭之冬榮草堂前

見天二三友朋攜酒其下賦詩論文如居香國中

一桂為風所撼幾仆余以巨石搯之因作欵桂論

八月十三日夜同家雪樵踏月訪陳蘭臯吳蔚田諸

君皆不遇入酒肆又復不納相與縱步田塍與闌始

返漏下已二十刻矣復沽酒對酌而散明日遂誌之

以詩

踏月忘近遠叩門尋友朋十家無一遇街鼓方鑿鑿闌然

入酒肆半飲餘孤燈傭保笑謝客壚冷竈欲冰雪樵轉豪

甚相將走荒塍清氣詩骨沁好風天宇澂長林噪驚鵲古

塚被秋藤但聞蟲暗弔那見鬼可憎觸足石如齧振袂露
欲凝君猶興未艾我已謝不能歸來復沽酒何用多如灑
一瓊君欲臥三瓊君倭僂前勇後胡怯趾壯量不勝帶月
各歸去夜深輝益增莫謂杜門久此樂得未曾

中秋無月同榆霄雪樵一登果山而歸詩以誌悶

去歲中秋在篷底

去歲中秋始舉家理棹而南

雨打船頭淨如洗移

避濕何紛紛拳跼妻奴困支體偶然探頭雲壓空但見寒
林接荒薺姮娥閉戶桂花死那有孤光發隱遞今年八月
雨經旬兩髀苦濕眉不伸漏天忽爾有晴日乾坤軒豁靈
鳥踐蟾蜍玉兔暗相慶寒花秋草皆精神婦女嘻嘻小兒
舞老子興豈殊衆人呼童掃階去荒蘚小爐蒸香裊席軟

坐待清光濕欲流一洗胸中諸滯澀豈知天公故相戲驅
遣浮雲任舒卷難誇絃管可吹開只有吳牛不苦喘勉隨
伴侶行蹢躅果山怪石空巒岒滿街兒女竊瓜豆怪哉此
事誰開端是晚家家遣小兒女往田塍或云宜男歸來欵枕想天上
瓊樓璀璨玉宇寬乘風若許我歸去誰能更畏高處寒

寄吳蔚田索盛酒大葫蘆

葫蘆誰使半年閑昨夢曉曉苦要還醉裏乾坤都在此不
教好種落人間

連宵風雨庭桂搖落殆盡口占四韻送之

好香隨雨淡密蘂入風殘詩意索然盡酒腸空復寬但教
根著土且喜葉能寒楚別休惆悵明年大好看

子病

大兒瘧未已次兒病欲死獨數幼子強漸次恐到彼藥爐
無息火啾唧聲滿耳醫來互訾議畢竟知誰是婦女惑神
鬼牲酒雜禳祀曾無毫釐益徒粲達者齒我於兒女間天
壽任天只有時心怦怦中夜爲三起我子多尚爾一子可
知矣回憶少年日疾疾憂考妣當寢不獲甘當食不辨旨
如剗心頭肉此痛焉可擬只今爲人父方恨昔不子奈何
罔極恩忍付東流水

嘲吳蔚田伐桂三絕

不住丁丁伐木聲瓊條金粟臥縱橫百年手植人應笑堂
構新添數尺明

空勞探桂兩登門，難覓金丹爲返魂。想是先生厭凡種，要從月姊乞靈根。

月中辛苦幾千年，浪說吳剛是謫仙。爭比薌林居士勇，不畱一葉佐賓筵。

榆霄攜蟹過舍，因邀雪樵燈下小酌，率成二律。

一年閒煞持螯手，纔到尊前意便豪。浪說未霜應有毒，請看滿殼已含膏。天生異味供吾輩，君爲多情壓老饕。斟酌巷醪須共醉，晚窗風雨正蕭騷。

酒邊風味誰如爾，盤裏尖團最可人。何必作詩方換得，未曾對菊已嘗新。官厨往事成泡影，豐潤濱海饒蝦蟹自七月至冬深無日不持螯霜籬秋燈羨水濱。記取橙黃好時節，與君飽嚼不辭貧。

別小顛十四年矣近聞其顛狀益甚戲爲兩律寄之
不見顛師十四春傳聞狂態更驚人
筆毫破盡猶耽酒屋
宇摧來便代薪但覺世人皆俗物時從詩句露天眞小顛能詩
數弓隙地如相借擬築糟邱作比隣

不會佛法盧行者但能吃飯慧海師知公妙諦只如此
陋彼蒲團徒爾爲醉鄉應勝衆香國湖水便同七寶池
白傳皺眉陶令笑就中衣鉢當傳誰

貧飲二犬踵至其一爲先至者所逐喪氣去此則蹲
伺良久竟無所得余甚愧焉戲爲長歌謝之

黑犬搖尾來白犬繼踵至主人方孤斟鹽豉不滿器豈有
大軀投勞爾久窺伺犬顧不余信眈眈欲裂皆偶然一揮

手爭以鼻嗅地已而兩相牙狺狺若交詈一犬負痛去此
犬彌得志一壺酒已乾對之適增媿家貧肉食稀無以慰
來意何不往西隣庖厨臭餽哉犬聞行不顧悻悻如怨懟
早知枵腹歸奈何噬同類爾犬且勿嗔一語爾當記吾將
師桑研逐取三倍利張筵日高會廉空更察二彼時可偕
來同飽莫相忌

九日次子顛瘍生於頸諸醫皆不能指其名鬱悶無
聊視頻年客中孤負佳辰更有甚焉適家榆霄雪樵
買蟹酒來作會極感其相慰之意卽席口占

竟無風雨過重陽却被黃花笑我忙料理藥爐添榸柑屏
除樂事到壺觴老年兒女多奇疾僻處情懷似異鄉慙謝

諸君慰岑寂雙螯如雪綠醅香

秋榜發里中有報新貴人者慰贈家雪樵史達周

蟻聚蜂屯鬧似雷爭傳橋外報船來一家得意百家泣昨日皺眉今日哈不信紅紗能障眼居然玉尺解量才諸君底事空惆悵請看羣芳次第開

候蟲鳴鳥各乘時造物何曾有所私花樣不同休強肖蓬山可到未嫌遲喧傳姓氏風過耳瀟洒年華酒滿卮我是土牛偏駕慣常看飛騎騁莊馗

聞金篠廬下第

不敢致書問知君痛更深休將孤進淚灰盡丈夫心鵬鷲迷雲路鴛鴦笑繡針著書應火速白髮漸相侵

毘耗不須打冬烘且莫嘲但教呼利市何患老庠膠鑄研
真癡漢看山有舊交從來清切地拘限羨衡茅

初冬同雪樵湖樓坐雨

湖樓一夜聽冬雨曉挂南窗水接天
皖皖雲峰初潑墨參差城郭半籠烟
隔牆無分逢歌妓樓西李公詞舊為客借僑寓著屐何

人上酒船聞道孤山梅有信一樽我欲弔逋仙

雨後斷橋閒眺全雪樵作

不堪連夜雨蕭蕭霽後閒行上斷橋
桂子荷花都負了却看紅葉滿山腰

濃雲散盡兩峰明不動湖光似鏡平
未敢高吟惱山水新

詩爭比繞梁聲

時女樂盛行皆僑寓湖上

書悶

東風吹雨不成雪坐負西湖已一旬把筆欲題詩思澀有
壺常罄客囊貧山雲偶薄見紅葉烟棹忽聞來故人准擬
明朝窮脚力肯因靴鞮困閑身

繫舟放鶴亭全雪樵作

西冷橋外遊騎譁放鶴亭前噪暮鴉但有荒墳對湖水何
曾一樹見梅花空山自蒼狂歌響小艇猶橫夕照斜徙倚
卷阿仰高躅玉簪流落在誰家

酒後與雪樵自湖樓踏月至錦帶橋皓魄當空山水
澄朗憑闌四顧肝膽皆清此時此樂唯吾兩人共之
而已

放脚鏗然曳杖行，隔城衙鼓已三更。正圓月色只雙影，不定漁燈時一明。但許山靈聞醉語，固知鬼魅避狂生。此遊與爾真清絕，擬寫圖歸示老僮。

寓湖上已半月矣，買山之願至今未遂，賦示雪樵。

樓頭風雨喜聯牀，看盡陰晴態不常。大好湖山來几案，等閒車馬過門牆。酒錢未足供遊興，故土翻教作異鄉。余歸後尚僑寓新市擬築草堂，貧未得却，如春燕借空梁。

乘月訪宋助教大樽酒樓聽誦近作

湖上月如畫，酒樓尋故人。一官同擺脫，此樂出風塵。豪句驚山鬼，閑情似野麕。何時來卜築，舍我更誰隣。

冬暖荅老農

三冬忽將盡不覩雪與冰霜華偶點地皓白殊未曾苔草
有綠意駝裘重難勝弄筆晴窗下時見投脚蠅老農有憂
色云恐穀價騰不見二麥芽青青抽田塍有錢速儲粟慎
勿市布繒我聞喟然嘆多爾有前算然如窺破鏡所見僅
得半貧人破衫袴疥癩遍踵腕壞牀擁敝席凌兢泣昏旦
往時霜雪嚴厥狀不忍看幸天暫輟冬掉臂遊汗漫卽如
爾所言僵仆等絕爨天道況難知有雪春未遲微寒土不
凍日暄雨露滋來牟自厭傑安論畚與菑彼旣不死寒爾
亦不苦饑老夫願操管爲作康年詩

次子顥初就外傳

繡帽花衫拜席前居然匡坐對陳編馬施羈勒牛穿鼻却

笑思歸似杜鵑

憂患不皆緣識字一經何必勝金遺老夫苦爾真無謂但
恐人呼沒字碑

除夕始雪夜深呼酒獨酌不覺徑醉

擾擾塵寰此夕中龍公試手雪飛空未須泥淖嗟行苦聊
且歡欣卜歲豐白戰共誰詩律細寒光照我醉顏紅簾鉤
不下銀缸地華髮頽然料峭風

元旦枕上口號癸丑

夜雪深幾許悠然春夢醒窗前初辨色枕上已添齡稚子
嫌衣短饒猶觸鼻醒起來無一事濁酒尚盈餅

嘲雪樵病舌

張口舌固存奈何瘖不吐邪火逞炎威遂受此痛苦新正
方傳柑盤饌羅鮓脯有酒多如澠斟酌遍嬰無主情醇似
醪客氣猛於虎獨憐君向隅支頤衆所侮豈但息辯喙直
欲閉酒戶我有千金方贈君須記取造物忌利口傷人甚
劍弩強者不反兵弱者亦陰怒毋乃齒牙間竟爲衆怨府
及今早懺悔摩背學鸚鵡違者天鑒之更令出童叟會見
忽然愈恣意吸清醕

耘經堂夜飲歌

耘經堂開銀燭光新雨舊雨春筵張主賓脫略貴自適誰
能百拜紛趨蹌屏除厚味進蔬筍何嘗不充圓與方當今
美酒數越釀泥封乍啟滿屋香豪情猛氣各相顧有如壯

士臨敵場飛卮落手不辭滿分曹決勝誰最強甌宰苛細
罰籌積叵羅鑿落聲鏘鏘直欲黃埃起東海何妨老子稱
渴羌寒缸將盡夜將半僮僕倦觸屏風僵春星爛爛插檐
際淋漓餘瀝沾衣裳座中只我最先起降旗早豎壺觴傍
從來樂事不可極豈第半酣尤味長慎勿妄想祀杜康此
是主人耘經堂

元夕後二日寄傲軒坐雨偶成

庭雀跣跣擾不猜爐香坐對手承顏年年此月偷閑過鹿
鹿何人得意來燈市又隨春雨盡梅花偏爲俗兒開從他
中酒詩情在未許齋頭一硯埃

飲酸酒有感

酸酒鹽齏一卷書今宵風味定何如也知食料羊無分却
妬公田秫有餘短榻嬾親春夢少一燈依舊故人疎癡兒
不會而翁意猶自紛紛索果蔬

題施少峰嵩唾餘集後

誰把瑤編索句來少峰聲譽擅詩魁但教欬唾成珠玉底
事用腸易紙灰袖上石華非世染盤中金粲遇仙回錦囊
便欲同收取有口休從夢裏開

題施嵩紀哀詩後

嵩父歿悲慕不已卽遺物十二種爲紀哀詩徵題書
而歸之

遺物羅堂前千古成永訣靈兮如歸來烏知悲與悅施君

有至性愛護不敢褻容聲接恍惚霜露感悽咽紀詩十二
章但見字字血物或有時毀痛則何時絕豈唯此數種家
具良瑣屑在在摧心肝更僕不可說願君姑節哀願君師
往哲不忍讀父書此理我能徹祇恐展視頻翻令手澤滅
況此諸玩好平生日陳設慎勿時摩挲一室請扇鏞

題三教聚飲圖

儒與佛老本不同道聯以麴生則爲契好醉鄉日月非羲
非皞破諸障礙除大煩惱殊途同歸相視絕倒

雨中從覺海寺僧乞竹種後圃

未能斷除肉何礙先種竹寺僧諾哉奴額蹙攜鋤冒雨衣
淋漓琅耳壓肩聲簸簸枝籜葉稠試勸梢頭入土要深鞭

當畱慎勿爬搔動搖損元氣會見猗猗如舊鳳尾修奴洗
手我醉酒問竹寧有土思否相欽高節故延至芟薶蓬蒿
去藜莠風塵知己不易得結契安論地好醜借君廢圃長
兒孫聽我清吟不去口綠卿綠卿請三思母槁爾葉兮憔悴
爾枝倘嫌寂寞不許可便遣還僧亦片時

寄潘皆山

鴻鴈不可托雲樹徒繫思只有夢寐中言笑常陪隨君如
任重馬我爲伏卵雌伏卵呼不起任重力難支相憐莫相
羨分定順受之所嗟潘夫子道義真吾師南北間何濶塵
俗難爲醫撫琴時一弄誰是鍾子期湖山悵前約樽酒嘆
獨持覽我鏡中髮憶君顛上絲臨風無限意何由吹君知

入夢終恍惚作歌聊遠遺借問醉頭陀酒醒當何時皆山自號

醉頭陀預爲

塔銘極佳

五月四日女兄六十悅辰時適迎歸因爲長歌勸爵
我生寡弟兄但有妹與姊只今幸俱存相對抑何喜姊年
已六十耳聰目能視歸來值悅辰榴紅蜀葵紫同產無繁
文貧家戒侈靡何以將區區肉甘壺酒旨酒須乾還加滄
我爲姊起舞妹爲我叩盤但見病足窘那有垂袖寬笑倒
小兒女僮婢來偷看人生百年已過半當歡不歡何時歡
唯願三人俱百歲龍鐘笑語長團樂底須跨鶴招青鸞速
飲速飲酒欲寒

卅年師古人尚不辨東東何暇慕時賢能事逞翰簡孫君
下世久行草偶到眼滿紙龍與蛇屈曲驚覘管至今鄉里
間嘖嘖誇所產謬以賤子儼無乃識者莞譽言來不虞豈
不勝詆誣我謂譽不當轉令增感吁場師別槭棘玉人辨
珉玦出門同大道所詣本自殊痛痒在肩背知之誰如吾
寄語雪樵子此道聊自娛

與家煒賓弟對奕約負者出佳醞

楸局塵封已二年開奩一着試饒先老來小技翻成拙灰
後爭心又復然相對不知秋暑酷偶閒差勝俗情牽贏輸
筆硯渾無用只要杯中別聖賢

頻更殘局日初斜黑白紛拏老眼花却笑舉棋君不定難

教袖手容無譁牀頭斗酒歸應在市上盤殮出可賒勝敗
兩人同一醉何勞私覓蛻龍牙

中夜爲蜈蚣螫左趾痛甚至天明稍定

秋宵枕簟涼於水獨寢方甘狂叫起蚊幃不覺入蟲豸夜
半公然來螫趾呼燈四照一物無蜂耶蠶耶竟誰是南方
無蠶夜無蜂只有蜈蚣敢爲此詰朝大索將盡屠但恐冤
濫穢無辜姑從濶略免名捕慎勿再犯擇所趨不見蝦蟇
在地蝸在壁羣雞繞屋相鳴呼終能殺汝何勞吾

雪樵試後淹畱郡中遍游山水因苦得樂羨之妬之
須去便先去得歸偏後歸不意牛執紉轉爲馬脫鞵吳興
足山水登涉堪忘飢况有烏程酒佐以鱸魚肥鼓枻泛江

渚杖策欵岩扉陳迹恣俯仰地是人已非只有西塞山白
鷺年年飛知君必有詩知君未與衣頗欲走相就苦熱如
病瘵廿年不到郡萬里勞征騑久結買山想幸獲故林依
悠悠忽三載隣里識面稀山水不遠我我與山水違清福
天所吝可遇不可幾羨汝還妬汝獨立聊遐睎大樂生苦
中此理非深微

寄慰雪樵

暗裏誰將黑白分漫憑殘局辨紛紛一生定論何關此千
古傷心不獨君難長黃楊逢閏月易成蒼狗總浮雲歸來
與爾謀狂飲酒國於今要策勛

吳箬村錫麟自山左旋杭州道過新市尋訪畱酌

前年湖上觴君後北去經時又賦歸不意距家無百里却

先紆道款重扉客中勝事談登岱登泰山絕頂秋半炎氛

羨浴沂今年秋熱甚酷把琰莫辭今日醉故人如我更生稀六月

二十九日湖水不死因自號更生道人

讓鼠

直欲暴白晝非徒擾夜深養奸吾失策負德爾何心安得

憑丸逐誰能撒瓦等就中斟酌定已辦買猫金

責猫

豢爾何驕甚無腥不下咽跳梁容鼠暴安穩伴人眠豈傍

金山過徒誇碧眼圓未須深誚責努力贖前愆

盆中矮雞冠二首

籠烟泣露頗塵秋碎搗丹砂著滿頭大似侏儒蒙絳幘凌
兢霜裏報更籌

分明玉樹後庭花豔曲齊歌媚麗華一自兒童爭唱賣瓦
盆磁斗遍民家

八月七日寄傲軒夜坐聽雨三絕

小院涼於水中宵雨似麻斜風偏有意吹上海棠花
疎疎還密密閑枕曲肱聽不覺狂吟起秋燈一寸青
試盡瓦盆酒聊娛老病身舟車聽浙瀝無限別家人

雨中對秋海棠有感二首

占得秋光已較遲連宵風雨忍相欺嬌容莫便輕憔悴或
有天青日白時

三石齋詩集卷二十一
四
久暫榮華總不真漫將愁態伴愁人
豔陽時節年年雨桃李何曾盡好春

中秋腹疾早寢枕上口占

去年不見月轉爲清夜遊今年好月色寂寞眠高樓
蟾蜍應怪我流光照袞裯斂帷謝蟾兔燕褻不敢留
欲知不出故請略陳其由半載苦陰濕瘧鬼橫素秋
凄凄到兒女彼染此未瘳賤子雖幸免頗有腹疾憂
兩足軟無力三瓊醉欲嘔覩此好良夜轉添百種愁
就枕豈得已此鄉非溫柔今秋桂開晚黃雪夜未揉
料得月中早香氣籠九洲爲我問嫦娥一許臥遊不
瓊樓尚能賦靈藥非所求豈不勝下土團欒徒當頭

錄近作示雪樵

相別忽一月得詩十九首手錄緘寄君還能愈疾否未足
愈君疾或可侑君酒醉後慎勿輕示人紛紛說龍誰愛真

次韻潘亞江寄慰失足墜水二首

瞬息危機起目前死生呼吸總由天腐儒只合爲書蠹凡
骨如何作水仙滅頂幸無投石友澡身疑到滌塵泉老來
遺體悲行殆莫更逢人詫瓦全

三躍居然闖出頭水精宮殿不相畱空中神鬼憑拳石

起時兩手道板岸間側出橫脚底龜鼉架急流已往悲歡

石因得不沒爲作思石記同大夢重生日月正新秋青鞋布襪從今始要作逍遙五

岳遊

聞吳穀人將復入都供職因念西溪之約竟成虛語
不能無悵悵耳詩以送之

當年何事拂衣還銷盡千金不買山仙掖總勞清夢戀野
鷗休笑黑頭斑文章報國真君職坐臥看天只我閒從此
西溪成獨往敢煩車馬款松關

三年兩見悵如何小港難容大舫過

來書有屢欲紆道過訪以船大橋低而止

之新酒黃花好時節涼風白日度江河頻經風物供吟少
乍別親朋入夢多都下故人如問訊爲言吾近似頭陀

歸田後兩遇重九僑居新市無一樂事但煮菱角同
兒輩飽啖誌悶四首

徒有登高心却無登高處踉蹌上樓頭獨看浮雲去里社

不做節持錢其誰釀
蟹少菊花稀唯聞賣薯蕷

頗結青霞想引疾還江南
偏與城市遠閉戶同螺蚌
湖山久待我無錢營茅菴
負此好佳日三嘆良自慚

妬我二三友載酒陟岡阜
寒意生江湖斜暉挂楓柳
不畏落帽風競逞題糕手
誰念田間人塊然成土偶

小兒漸有知牽衣常道饑
還能憶前歲舵樓煨芋時
前年九日

舟次南旺沽酒煨芋類然徑
醉自薄宦以來未有此樂
何以慰兒意菱賤頗可炊莫

嫌青角利聊作霜螯持

重九後一日家介田姪持大蟹十餘來就飲因出所

藏佳醞數升并招煒賓榆霄兩弟唯雪樵臥病不至

昨宵寂寂無人過今日勞君送蟹來
但別尖團忘問價更

無蔬果只傳杯閒身又約明年會笑口初從此夕開惆悵
阿連偏臥疾隔牆如海不追陪

題吳箬村萍跡圖二絕

黃蘆白水雁來初萬里隨身一束書解得乾坤同逆旅萍
蹤何必異家居

曾題樹底讀書圖

廿年前曾爲箬村
題讀書秋樹根圖知是先生笑弄孺一

自無田畊破硯年年髭髮老江湖

題南蘋老人水墨牡丹

南蘋花鳥得三昧不數黃筌艾宣輩偶然濡墨作牡丹一
洗花王富貴態檀心倒暈世所珍何似此花尤絕塵若教
裁向四香閣紛紛黃紫徒爭春庸工不語俗兒笑不買胭

脂那能肖豈知中有松烟香足治黃塵塞心竅請君愛護
懸東軒春風看到了子與孫未須浪信五雜俎年年墨汁澆
花根

穀人既成裝候良辰卽發余亦至湖上寓昭慶寺辱
開樽湖舫并招蔡柳堂高秋崖潘亞江顧春波朱柳
塘諸君歡敘竟日因念老將至矣兩人踪跡忽又相
違終不能無憾於前約云

已分千里別忽作數日畱禪房辱先過情眄追昔遊欣然
命歡友相與登芳舟重湖白水滿兩岸丹楓稠鳥鷺任浮
沒亭榭聊夷猶看來不虛返觴至還急酬醉弄竹如意吟
叩花瓷甌平生惡俗物我輩無庸流此樂逾廿載重聚當

九秋豪情頗減昔華髮嗟盈頭蹤跡自茲異榮枯諒難作
君莫話前約吾將盟白鷗

水仙二絕

綽約愁難衣五銖無塵只合貯冰壺人間兒女真粗俗漫
作天葱雅蒜呼

天生玉面小嬋娟慣結書生几案緣却怪素肌偏耐冷朝
朝羅襪立寒泉

短至

無事朝來尚戀牀懶觀雲氣辨青黃葭葦灰動春先漏廣
漠風寒日漸長却笑詩篇遺此節余平生所作詩竟至空思
履襪獻高堂冬肥年瘦誠吳俗問有何人解舉觴吳門風俗多重

至節謂之肥冬瘦年新市介蘇杭兩
鄰間由來無一家做節者亦怪事也

謝高竹澗宗文餉蚶子

多君念老饕遺我五屋子急洗殼上泥小沸鼎中水投入
卽出之腹滿肉吐紫椒酒漬須臾堆盤食以指一啖三百
枚器盡意未已此物數粵中能種惟浙東豈必蝙蝠化人
力侔天工昔爲四明客海錯方圓充江珧與沙蛤甘脆味
畧同不如蚶易得往往餽滿籠但取能益血後山叢談不
信氣壅胸嶺表錄異蚶子食多卽壅氣一從仕畿輔水族罕所覩天津
最瀕海異物難悉數獨無天嚮炙徒誇西施乳十年勞夢
想今始慰腹肚安得源源來有懷不敢吐

十二月十二日夜家兄海籌與煒賓弟過五硯草堂

圍棋余與雪樵沽酒卽局傍對酌酒闌局竟相顧而
笑不知果誰樂也

銀蟾燭燭威屑嚴朔風獵獵掀重簾吾家兄弟方坐隱但
屢張口呵指尖我亦傍觀苦足冷起視霜月聊巡簷此時
飲興頗難制叩門沽酒菱栗兼楸枰杯學實逼處酒兵鬼
陣兩莫嫌不知膈膊局上苦何如滿泛杯中甜一笑斂子
姑入齋

醉司命歌

孔蓋兮翠旌叱風駟兮朝玉京乞少畱兮夷猶奠桂酒兮
薦羞拜紛紛兮儼恪香氣氤氳兮神樂夫人兮何求願錄善
兮掩惡神搖手兮嗟咨天蒼蒼兮鑿之爭上訴兮三尸吾

奈何兮爾私爾羞在盤兮爾酒在后

入春陰雨匝月欲探梅郊外不果遣奴折數枝插膽
餅中空齋坐對肝膽皆清矣

甲寅

籬落尋探大是難數枝橫玉膽瓶看靜來但覺吾身俗清
絕能令一室寒時有暗香生筆硯肯移高格近杯盤簾帷
不捲頻添水可勝雲階月地寬

賦得空梁落燕泥得泥字

旅燕逢春社空梁覓故棲偶然相絮語不覺落操泥繡幙
沾來膩花瓢濺處鬢紅猶縈敗蘂綠尚裹柔荑乍響驚幽
夢頻除喚小奚定知非戊己重取任東西

史生移綠萼梅一本栽余園中求書喜而作歌

道人作書本無法疾揮百紙只瞬霎牆角頻添禿管堆梁
塵不上琉璃匣意前意後聊自娛但可計取不可憐前年
署門偶換酒盞湯密汁苦難呷椎瓶裂紙急麾出斷屠莫
想易羊胛南隣史君差可人早起園中把鑿鍤試問移梅
種何許云往換書揮素筆連枝帶葉叩吾門殷勤致詞情
頗洽九疑仙人出世姿老圃辱居母乃狎姑令如法種桃
邊急以竹籬和樹夾爾時尙是春分前殘花落盡葉圻甲
橫斜盤屈勢飛動已覺當前餘地狹呼奴磨墨爲生草波
磔終嫌筆力乏未容妄比換鸞書恐被人呼杜荀鴨

次韻潘亞江移居東城二首

池水澄泓止不流疊山高出屋山頭誰言荆樹異前日速

種木犀延好秋書可汗牛真長物經能傳子卽芳猷東城
更去西城遠安得添營四望樓

深巷無人試駐車讀書聲裏認君家愛栽老圃千畦菜不
種河陽一縣花賀燕棟梁從絮語故人桑梓轉天涯余引疾四
年矣尚僑居新市舍傍隙地能容否我已新來學灌瓜

航隴山房圖爲蕭山施柳泉題

昔歲遊四明兩喚西陵渡夜上烏篷船縮首坐如塑徒聞
湘湖葦未見蕭山樹寧復知航隴中頗足幽趣施君世居
此武林特僑寓一旦幡然歸築室屏碎務爲寫山居圖索
我撚髭句遙岑插檐牙平疇接林路麥稻鋪青黃烟嵐變
昏暮落日樵歌來微風牧笛度白鶴浦水寬點點下鷗鷺

子乃居其間富擁篋中素讀易臨黃庭蒔花譜農具家釀
壓小槽好茶烹日鑄時拂壁上槩恒滿戶外屨不意航隲
山竟作桃源住緘圖還寄君羨甚轉成妬明年探禹穴不
畏攀緣苦歸途擬相訪新知豈必故當爲十日畱更草幽
居賦

前圖再題二絕句

航隲山下好幽居遠岫平林畫不如長日睡醒無一事門
前獨立看叉魚

麥時翻浪稼時雲山頂嵐光水面紋妙趣滿前人不覺閑
中領略定輸君

今年六月十三日爲余五十初度閉門謝客雖兒女

不令稱觴聊作歌以道其意

百年五十已過半倏忽何殊一昏旦憂愁貧病三分之樂
處如爐得寸炭文章無味蟬螿空仕宦難成禽卵蝦不知
有是焉有非依舊當年渴睡漢眼前三子不爲小小者能
言大者冠菅茅荳蕙本無常此事何人能預斷生平一笑
但爾爾肯要稱觴增背汗蒲葵扇大椽拂長睡起簾牀日
未肝科頭跣足對妻妾妻默不言妾齒粲人家三十二十
時開筵召客樂衍衍奈何白髮蒼顏翁鍵戶關門笑里閉
我聞不荅但張目腹藁詩成急據案狂吟只許我自聽卻
被鑽窗兒女看

自嘲三首

送老蒸鹽作蜜嘗從他清茗響枯腸虎毛筆料無尋處傳
語明朝小宰羊

爲愛林泉始去官卻來邨落久泥蟠吳興不遠杭州近一
歲青山幾度看

更無事可與人偕坐讀行吟只小齋粧束近來渾變盡不
尋冠帶不兜鞋

茉莉

百錢買數本栽向綠瓷盆冰葩出密葉玲瓏照前軒恍與
麗人對柔婉默不言空階坐日夕暗麝生壺尊嬌女有花
癖頗知爺愛惜但伺落後簪不敢枝上摘有時爲我戴髮
比花更白笑倒兩小兒繞膝手齊拍暫上老人頭語花不

用羞差勝綠雲髻方用掠髮油

哭朱生應旭郎生永清

老來有淚不輕灑不覺爲爾如傾河尋常離別有時合奈
此悠悠萬古何十載青衫困場屋課童句讀勞嗔呵朱生
書畫竝佳妙郎子至性頗足多方期健翮看高舉秋風坐
聽賓筵歌豈知旬有七日內先後往跨蓉城驟憑棺老母
慟欲絕兩生俱孤兒稚女俱么麼郎生四子朱生一女皆幼平生親
朋盡視殮我居他縣不及過憶昔從遊數十輩兩生皆執
焚膏視蔭相切劘十年作宰始歸里但見二子焉知他清
談小飲歲常聚儀節濶略誰能苛綢繆相與話疇昔憐我
白髮垂髮髻別來兩月未爲久狂飈撼折雙瓊柯空畱容

貌入小影可憐姓氏書紅羅靈輜入墓送者返林鴉山鳥
聲嘍囉固知二子不寂寞相從歌哭山之阿寒風夜捲西
湖波

食茱十二韻

盪舟搃紫茱入市賣青錢種自分粳糯名誰別楚燕漉來
防漉汁炊處看飄烟長爪探盤熱殘牙破殼堅紛紛如蚌
剖磊磊似珠聯一斛量無價千枚孔未穿走盆圓不定入
口軟堪憐風味偏宜酒甘香却勝蓮分兒拳小掌落地跳
花瓢貢豈輸新鄭饒思買穎田寧徒充祭品直可令癯痊
試浸防風水珍藏好度年

紹興石經歌

光堯楷法師二王道媚勁健藏稜鉅御書經文勒太學雙
鉤響揚喧堂廊由來石經數漢魏古文篆隸各擅長要皆
出自臣下手豈若宸翰奎光當時權相主和議半壁偏
安無一事西湖繁麗至尊閒潛心經術崇文治或書全帙
或節錄只有孝經無隻字想因北狩恨終天不忍揮毫但
揮淚未復中原國祚移鳳皇山色似當時漫嗟碑版半殘
缺勝與西僧作塔基

果肆中賒得黃柑數十枚藏以佐酒

霜後黃柑說永嘉賤來村肆頗能賒開籠細數垂珠寶入
眼空思破暑花自擘味應同玉指醉嘗香更勝名茶好將
蠟與牢封蒂畱聽鷓聲赴酒家

關里雪潭僧墨竹歌

堂中突生幾竿竹卽而視之出素幅稜疎節勁葉瀟洒疑
正搖風聲簌簌借問畫者誰關里一尊宿不師蘇學士不
學文湖州胸中自有篔簹谷淋漓元氣在腕底落筆迅如
風雨速前年鞋笠來西湖遊遍兩山心迹孤韜光庵風篁
嶺烟森雨疊供描摹邇來意趣更生動一揮十紙只斯須
師畫旣多不甚惜俗兒手裏騷人室自言佛法本平等十
纏九結慳居一薩埵捨身飼餓虎何有指頭操不律我試
問師師莫嗔枝枝葉葉果誰真西方自有菩提樹翠竹何
曾足法身

十二月二十六日五研草堂漉酒

斗米釀初熟，饔面蛆尚浮。欣然漉越葛，滓去精華留。指掌
黏如漆，口角涎欲流。愛此淺碧色，貯以青瓷甌。試酌一瓢
飲，甘滑香滿喉。何來索逋子，打門聲喧啾。揮手令姑去，吾
方營糟邱。